

快雪堂日記

秀水馮夢禎開之著

庚寅

正月初三日辰巳間見日色尚爲雲氣所雜未能湛然同年黃端甫使來黃名正色時以御史按廣東夜雨校完東坡集四十卷擇鵷兒娶婦日用八月二十四日癸巳丑時

初七日雨繆當時以公車言求正岳父以盆中小梅索詩詩成

二
初十日早起謁蔡念所憲長郭青螺大叅訪殷
二守慰籍良久殷亦灑然無大欣戚自人日至
此日俱寒二更聞風聲

十一日早雪花飛墮飯後而止迎劉雪泉看內
人幸不用白木仲淳所戒者完殊勝寺飯僧田
碑記陳母壽頌心抑太夫人下午赴胡郡公席
席在吳氏莊語次知比部郎吳正志上疏攻李
陳者卽安節乃郎吳秉忠也安節可謂有子矣
郡公有疏草許借觀坐客有虞長孺坐中言蓮

池南山二老爲此中名德今夜見月婦病漸差
十二日早陰晚雨同申甫道之往市上看書持
葉肆香山詩集野客叢書而歸從胡郡公索得
諸君子奏牘讀之見張見冲論皇木及彈徐太
僕史給舍孟麟論李春開等吳比部正志論李
春開陳與郊維評事子仁上酒色財氣四箴語
侵今上甚急讀之汗背其詳別記夜雪
十三日早尚雪屋上踰寸已而漸消婦病差能
起薛伯起來顧常甫來以字說付之成暮雪詩

相國寺僧悟性因杜生來謝留薛生飯遂留看
上燈看上燈八人以梅花一枝行酒道之兩兒
岳父與焉夜雪

十五日爲陸臺翁七十作臺山頌作楊公亮屠
長卿二書薛伯起周申甫來夜同步觀燈遇雪
至官巷而別余至弼教坊先歸來道之同兩兒
後夜雪

十七日雨包心韋拉晤湖上楊澹所作主二更
而散龍王堂後軒復作一月臺用木作一棹樊

甚爲蛇蛇頗殺風景吳桂軒來其詩本非所
十八日冒雨邀包心韋看梅花相待千錢唐門
岳父留飯于金沙灘道之同行驥兒從揚澹所
至金沙灘以他席別去西山梅花何園最盛雪
作而行旣至僧出應門隔水數十樹開者未半
道之與包心韋擢拳道之戒酒負則以餅易酒
連噉三餅餅惡良苦岳父自何園回入天竺日
已將暮雪愈繁溪流甚壯偶得句云漲添初夜
雪聲落萬重雲道之得句云暮雨壯溪流至長

生房已昏黑僧徒出迎方就坐

二十一甲子陰午前頻見日色帥惟審贈七言

古一篇汪堯卿刻兩漢雜集二十種欲題總名

余題曰兩漢叢書甲子遇單日爲雄偶日爲雌

得雄甲陰陽占俱驗夜一更聞細雨聲徹夜雨

聲上生癰五六日矣尚未愈作癢成西山看梅

記

二十三薄暮索曾氏類說於太公書房箱篋俱

索到竟無有此書亦不甚佳惜其抄本非板行

物內有東坡仇池筆記甚可惜也當多方索之
夜忽聞風聲雨微明不絕看沈太公去歲日記
自正月初一至十月十七絕筆就寢時夜半矣
二十七早有霜穀雨斷霜清明斷雪從婦翁龍
居塢展墓拜看法華山梅花與來道之驥子同
行由昭慶後門覓路至松毛塢田畦桑徑頗有
野趣松毛塢買小舟一葉行十五六里登陸一
路看梅花聽溪流小憩三方廟三四年前曾至
此其小童已成沙彌能呼茶留客矣廟之四周

梅花最盛凡行陸二三里至龍居塢中復迷路
至一澗邊坐石橋聽溪聲絕勝入塢梅花少減
溪聲如故拜沈太公墓飯於蔣老居而出余所
有二莊梅園數十樹臨潺湲甚堪卜築遂同道
之驥子步至西溪宿白雲流水麟上人房
二月初一早雨將午而晴同出自西溪至芳井
梅花甚繁不止十里
初六鶴林上人來商略法門數事見達觀師東
塔舍利放光文凌元孚兄弟招遊吳山日中赴

之客許令慈姜子幹莊居對大江下臨萬井屋
瓦間尚有積雪越山歷歷在望旣飯遊三茅尋
支徑至雲居中間松杉甚密徘徊久之松聲隱
隱如琴瑟其處舊有松樂亭今廢至雲居看明
心上人上人甚少掩關寫華嚴滿於今年之四
月八憩于雲居房小僧名寧靜號潛吾者出陪
其房有老僧畜趙松雪楷書中峰禪上詩五十
餘首此日偶出薄暮寺門望西湖落日徘徊松
林一酌而別夜浴今日分雪霽自三茅至雲居

晚眺二題晴月甚佳

初十晴有風間晦黃貞父吳伯霖如期來留飯
鵷兒侍貞父力疾赴館禮氣未復扶而行

十二晴此日爲百花生日晴宜果木諸花訪黃
貞父旦送其茗行已登舟矣白子佩學博來惠
詩集及左中川詩集卽崆峒先生舅名國璣者
白以崇德訓遷周府教授以舊歲乞休曾氏類
說復得大奇事叩其故乃驥兒夢沈太公告之
此書現在厨中汝父檢過不及詳耳更有許多

話說早驥子告母因往物色一過且闔廚矣驥
子親檢遂得此書異哉沈塔邀驥兒道之湖上
觀新柳因與同行至斷橋沈塔兄弟輩生善絲
竹者已至遂乘小舟至第五橋步至第六橋岳
王墓香車甚多徘徊久之返至大佛家中攢櫨
已至市白酒驢飲復坐斷橋觀暝色待月而返
柳色視初九日稍穠矣自正月至今雞鳴非時
者多次爲一家之主宜修省以環之耳
十六日晴氣微昏月暈得宋板文選是方十訓

家物上有太子太保傳文穆公收藏圖書

二十晴湖中落日甚赤風邀貢洪山胡奎菴遊
湖湧金門登舟岳墳上所遊天竺坐飲白雲堂
再瞻聖母所賜瑞蓮大士像今上有贊壁
中竺下竺三生石金沙灘登舟六橋至五橋步
看桃花已開十分之一柳色更深風甚急自西
冷至錢唐門而歸賓主甚驩得藏師兄五臺書
及龍泉住山永慶書

二十四早陰午暗風請吳韞菴蔡念所二公已

時登舟未時客至至龍王堂小坐堤上桃茆已
爛熳矣夜歸沈認卿至

二十六晴風田子藝來弔沈太公因約湖上遊
兩兒侍飯于寶雲超然閣子藝兩郎亦在至智
果山居一逕最幽僻仰視寶雲羣石離離如魚
貫出瑪瑙寺至岳墳至三橋飲于桃花之下今
日士女最多子藝雖老興頗狂逸遇黃桂峰名
應科中武狀元者一橋覓舟別子藝而返
二十八晴風湖堤楊沙報謁孫世行約遊湖上

戒治具至湧金忠烈祠世行已見待久矣小舟
至四橋步至三橋乘小車至岳墳遇田子藝張
仲初拉二人同步至四橋堤桃花佳處藉地飲
良久又至毛氏書院竹陰之下張飲盡日自新
堤至田寓一茶而別答藏師兄書

三月初四清明早有開晴意隨陰晦大風薄暮
暗夜見星月早作大堤挑柳詩三首

初八雨張仲初餉鹿脯田子藝書來索長興友
人書見和桃花片五言挽沈太公七言萬年寺

僧真秀號雪堂者以雲間徐孟弼吳江周季華
書求見秀將檢藏求爲倡緣夜作桃花片詩一
首作報田子藝書爲子藝作長興姚伯道叔度
書姚有書奴駱俱美而能詩予徐茂吳齋中見
其九秋詩復於張仲初扇上陽臺夢排律甚佳
人言臧晉叔爲其潤筆臧殆不及也

十五晴月色微昏夜檢舊書牘得沈太公沈茂
仁諸手札不勝哀感

十八晴晚微陰二更月甚佳黃又玄來不相見

八年矣。淵冲善下真如萬斛之舟，留鉞竟日，驥兒侍。

十九晴甚，熱不勝來衣。張仲初餉龍井茶于中甫，金不佞四人試茶。至昭慶寺訪黃又玄，遇西溪桂峰此丘方丈僧留茶坐甚久，陪客始至。初更別。

二十早細雨日出，暖稱病不出。連日冗冗，幾無生人之樂。今日稍暇，而亦不能無事。何時掉臂入山，以避塵俗乎？